

KANUNUPE --- Kalaallit Nunaanni Nunaqarfimmiut Peqatigiiffiat

”Inuussutissarsiutinik ineriartortitsineq piujuartussamik qanoq tapersersorneqartassava?

Kanunupe-mit isertuunnagu oqariartuutigisarpaput una:Inoqarfik najussagaanni pinngitsoorani arlaatigut najugaqartunut inuussutissarsiummik napassutaasinnaasumik peqartariaqarpoq, tassami najukkami inuussutissarsiuteqarnissap qanoq pingaartiginera tamatta ilisimagatsigu

Aammalu oqariartuutigisarpaput Nunaqarfiit eqqarsaatigalugit innuttaasut tassaammata inuussutissarsiornikkut periarfissaasinnaasunik assigiinngitsunik ilisimasaqarnerpaasut, piffimmini ilisimasaqarnertik tunngavigalugu

Nunatta isorartunerujussuata nunaqarfiit assigiinngitsunik inuussutissarsiutaasinnaasunik atugassaqartippai, maannakkullu killiffik neriuutigeqaara uani oqallinnissami aallaaviujumaartoq, tassami alloriaqqinnissamut iliuusissat assigiinngitsut eqqartorluarneqartariaqarput, siunnerfilimmillu tunaartaasinnaasumik tikkuussisoqartariaqarpoq, piffimmut inuussutissarsiutaasinnaasut naleqquttut pillugit kivitseqatigiittariaqaratta

Ullumikkut suliffisaaleqinerujussuup nalaassimavaatigut, taamaattumik suliffiusinnaasunik/inuussutissarsiutaasinnaasunik inoqarfiit periarfissaqartitaanissaat tamatta suleqatigiiffigisariaqarparput

Inuussutissarsiutit assigiinngitsut nunaqarfinni ingerlanneqartut tupinnanngitsumik annertunerpaamik aalisarnermik tunngaveqarput, tamannarpiaavormi suli ullumikkut nunatsinni inuussutissarsiornerup qiterisaa

Taamaakkaluartoq tunisassiorfiit nunaqarfinniittut qanoq tunisassioriaaseqarnerisut apeqqutaasorujussuuvoq, ilaat tunisassiorparput ilaalli iluitsuliornermik aallutaqarlutik, taamaasilluni piffimmi sulisussanik atorluaasinnaaneq atuutsinngitsoorneqartarpoq

Kisiannili arlaagut tunisassiassanik annerusumik atorluaasinnaaneq suli tamakkiisumik atorluarneqanngilaq, tamannarpiaavorlu anguniagassatta pingaarluinnartut ilagisaat, tassami nunatsinni aningaasatigut kaaviiartitaqarnissaq sunaluunniit pisariaqartippaput anguniartariaqarlugulu

Ullumikkut killiffitsinni inuussutissarsiuteqarnerup iluani pingaarluinnartut ilagaat isit allamut saatilaarlugit periarfissanik allanik misissuisinnaanissarpaput, sulimi periarfissanik atorluarsinnaasariaqakkatsinnik peqaratta, tamanna tamatta qularnanngitsumik assigiinngitsutigut isummersorfigisarpaput, sanngiiffigaluguli piviusunngortitsisinnaanerput, aammalu qulakkeerinnissinnaanerput piviusunngortitap sapinngisamik pitsaasumik ingerlajuarnissaanut qulakkeerinniffigineqarnissaa

Oqariartuutigaara piffik aggerfippat annertuumik ilisimaarigippat suut periarfissarititaasut siunissami atorluarnerusinnaasavut pillugit, aammalu taamatut periarfissap piviusunngortinneqarnissaanut akimmiffiusinnaasunik

tappiffeqarpallaarnerput, sunaluunniimmi takorluugaq misileqqaartinnagu
ilisimalernaviannginnatsigu qanoq iluffatsinneqarsinaanersoq

Taamaattumik inuussutissarsiutaasinnaasunik pilersitsinissaq
pinngitsoorneqarsinnaanngilaq, apeqqutaaginnarporlu kikkut perusuppat aamma
sapiissuseqarpat taamatut misiliinissamut, siunnersuisinnaasut pisariaqartitavut
pinngitsoorsinnaanngilagut qanittumik ikorfartuillutillu siunnersuisinnaanissaat
eqqarsaatigalugu

Isumaqarpunga ataatsimut tamatta inuussutissarsiutaasinnaasunik
ineriartortitsinissamut soqutiginnittugut aammalu arlaagut
tapersersoqatigiittariaqartugut, taamaasiornitsigummi inuussutissarsiutaasinnaasunik
pilersitsisinnaanissamut qaninnerussagatta, pisariaqartipparput inuussutissarsiutit
sapiingisamik piffimmut naleqquttut piusinnaanissamullu tunngavissaqarluartut
pilersinneqarnissaat , tamattali oqariartuutigisaqattaakkatuut
pinngitsoorsinnaanngilarput kivitseqatigiinnissarput!